

論論論

語語語

絕拾筆

句遺解



論
語
絕
句

張九成纂

中
華
書
局

叢書集成初編

論語筆解（及其他兩種）

中華書局出版發行

（北京王府井大街三十六號）

秦皇島市資料印刷廠印刷

一九九一年北京第一版

開本：七八七乘一〇九二毫米三十二分之一

統一書號：ISBN7-101-00894-1/K·367

論語絕句

此據藝海珠塵本
排印初編各叢書
僅有此本

論語絕句

張九成

字子韶，明封人，徙家錢塘。宋紹興二年，進士第一。人謚宗正少卿，累擢南安軍，起知溫州，丐祠卒。

子貢曰：夫子之文章，可得而聞也；夫子之言性與天道，不可得而聞也。

既是文章可得聞，不應此外尚云云。如何？夫子言天道，肯把文章兩處分立，則見其參於前也；在輿，則見其倚於衡也。夫然後行，子張書諸紳。

算來只是弄精神，識破於時始悟真。表裏分明都見了，區區何必更書紳。子曰：克己復禮爲仁，一日克己復禮，天下歸仁焉。

雖然此影不離形，莫向形中便認真。形影兩亡都不見，當於此處認斯人。如有所立卓爾。

見得分明乃謂如，分明如此尙爲疎。莫於見處留形迹，方信心齋萬象虛。子之武城，聞絃歌之聲，夫子莞爾而笑。

機械固爾寓絃歌，不是知音不肯過。夫子聞之方莞爾，未知言偃意如何。曰唯。

門人唯諾亦尋常，彼此如何較短長。自是旁人不會識，指爲鳴鳳在朝陽。

其如示諸斯乎。

此理尋常豈不知。奈何人不反思之。故應指掌從。示想亦於斯勿更疑。吾與點也。

於時舍瑟方鏗爾。豈意吾師亦喟然。此際風流人不識。只應瀟灑得心傳。朝聞道夕死可矣。

白首窮經恨不知。書生辛苦竟何爲。一朝聞道無餘事。若較尋常死亦遲。何器也。曰瑚璉也。

須知道體亦常虛。君子安能一器拘。賜也但知瑚璉貴。豈聞天地亦蘧廬。子使漆雕開仕。曰吾斯之未能信。子說。

所長孰不願施之。豈肯言吾未信斯。大是此心實不昧。斷知天地不容欺。子曰道不行。乘桴浮於海。從我者其由與。子路聞之喜。

行道嗟吾已矣夫。仲由從我去乘桴。果然子路聞之喜。好勇如由亦自無。回也聞一以知十。賜也聞一以知二。

豈是於回果弗如。只緣聞處尙多疎。若還真箇能聞一。安得其他更有餘。子曰朽木不可雕也。糞土之牆不可朽也。於予與何諫。

朽固難雕。莫朽於人材。美亦何誅。欲令願此深爲戒。言語之科。首宰子。顏子簞瓢。

貧卽無聊。富卽驕。回心獨爾樂。簞瓢箇中得趣。無人會。惆悵遺風久寂寥。唯恐有聞。

子路何嘗肯不情。從人姑爾事虛名。所行唯恐復聞耳。旣已聞之。且力行。振也慾焉得剛。

須知有慾不爲剛。血氣乘之反類狂。所以孟軻言直養。要令無助亦無忘。季文子三思而後行。子聞之曰。再斯可矣。

文子平生不安爲。仲尼想亦喜聞之。或能再矣。斯猶可。何況加以三思。甯武子其知可及也。其愚不可及也。

武子人皆指作愚。不知愚意竟何如。雖愚到底無人識。始覺從來智者疎。願聞子之志。

願乘車馬衣輕裘。便與顏回論不投。更得預聞夫子志。天高地下果難儔。有顏回者好學。

三千七十固多哉。好學如何獨有回。若論不遷并不貳。更無人向此中來。

回也其心三月不違仁。

孔子於仁論不違。回心三月亦如之。不違乃是回心事。心事如何。子得知。不如樂之者。

算來此亦是尋常。不比其他味較長。孔子絃歌顏子樂。大家相見沒商量。智者動。仁者靜。

仁智從來不可分。動中機向靜中存。自然形體難增損。不要猶添斧鑿痕。子見南子。子路不悅。

未識機鋒莫浪猜。行藏吾只許顏回。苟能用我吾何懼。不惜因渠也一來。子曰中庸之爲德也。其至矣乎。

子思曾發用中機。此道須臾不可離。率性自然難損益。要之何慮亦何思。何事於仁。

仁體從來大似天。事之方見失於偏。是何堯舜有爲病。一或容心便不然。默而識之。

不因聞見得心傳。此理於吾甚曉然。若使一流聞見裏。故知厭倦有時焉。吾不復夢見周公。

向也於公隔一重，尋思常在夢魂中。如今已是心相識，爾自西行我自東。依於仁。

試看迷途一轉蒙，若還無相豈能通。力行未到安身處，不免依他人箇中。富而可求也，雖執鞭之士，吾亦爲之。如不可求，從吾所好。

富貴要之不可求，求之無不反招尤。何如且只從吾好，他若來時不自由。子在齊聞韶，三月不知肉味。

箇韶深寓舜之心，夫子聞之感亦深。三月遂忘於肉味，誰知千古遇知音。子曰：加我數年，五十以學易，可以無大過矣。

讀易工夫恨不深，晚年方見聖人心。如何五十云無過，蓋欲從初學到今。吾無隱乎爾。

日月光明滿六虛，素緣蒙養以爲無。試教借問傍人看，可是吾曾隱爾乎。子釣而不綱，弋不射宿。

射宿有心陰中物，釣綱終是不無心。固知夫子應無此，書此方知意亦深。我欲仁，斯仁至矣。

仁在吾心一念間，苟差一念隔千山。故知罔克分狂聖，已見前賢露一斑。

丘之憾久矣。

子心俯仰一無欺。由也升堂尙不知疾病如何猶請臆。孰分上下與神祇。子溫而厲威而不猛恭而安。

欲識畫工真妙手。畫人須是畫精神。孔門諸子工無比。畫出當時活聖人。啓予足。啓予手。

做人真箇亦誠難。臨死猶將手足看。今免一身非細事。一身之外更多端。師學之始。關雎之亂。

看來商頤繼關雎。亂訓爲終始是初。試把初終篇較取。洋洋風雅豈爲虛。惟堯則之。

巍巍蕩蕩仰神堯。賢智姦邪混一朝。無物不歸吾造化。去天安得尙遙遙。禹。吾無間然矣。

榕板人多見一邊。聖心思慮甚周旋。方知大禹同夫子。彼此觀之無間然。達巷黨人曰。大哉孔子。

遊徧諸侯志不伸。困窮幾與死爲鄰。大哉博學稱夫子。獨有當時一黨人。子絕四。

以毋爲絕絕非毋。自謂門人見處疎。若使聖人真箇絕。不知毋理卻何如。文不在茲乎。

子云文不在茲乎。豈與常人論有無。興喪亦皆人意爾。匡人於此莫如子。無知也。

吾於萬理已無疑。何必容心更去推。自此有無皆不立。有知翻以累無知。未可與權。

君子常時亦用權。要之此法豈容傳。反經合道須君子。君子爲之乃自然。鄉黨。

一篇鄉黨盡威儀。夫子尋常豈自知。若使區區故如此。其勞終亦不勝爲。季路問事鬼神。

若欲言之固亦難。鬼神情狀苦無端。要之行盡吾人事。彼此何嘗有兩般。由之惡。奚爲於丘之門。

曾點嘗聞鼓瑟希。仲由於此亦奚爲。二人風味還應別。不是知音必不知。屢空。

道體從來只貴通。不容一物礙其中。柴愚參魯師由輩。未若顏回庶屢空。

吾與點也。

點爾何如鼓瑟希，舞雩之下詠而歸，喟然不覺令吾嘆。豈與其他較是非，君子之德風。

君子何嘗去小人，小人如草去還生。但令鼓舞心歸化，不必區區務力爭。是聞也，非達也。

聞達要之不必分，只緣聞處未嘗聞。子張若解聞中達，夫子何由尙爾云。子之過也，奚其正。

由言夫子何過也，子謂由言亦野哉。道理不因相扣擊，如何說得許多來。王者必世而後仁。

旣言一日歸顏子，王者如何必世仁。若論仲尼期月可，斯言乃是反其真。剛毅木訥近仁。

墨子平生枉費工，謾將泛愛去形容。若觀木訥并剛毅，方見風流是箇中。必也狂狷乎。

狂狷雖云執一偏，一偏所執尙能堅。不然欲與中行士，往往其中亦未全。或問管仲曰人也。

嘗稱管仲以如仁。仁者要之即是人。未可以仁稱管仲。可於人上試經綸。使乎使乎。

夫子何爲發問初。答云。寡過未能無。斯言可謂深而宛。所以重嗟累嘆乎。子貢方人。

區區用意在方人。所得從來未必真。我則於斯誠不暇。枉勞臆度費精神。知我者其天乎。

此理從來自不疑。奈何於此不投時。若還上下相通處。不是天心亦不知其如命何。

只是人生少琢磨。厄於陳蔡尙絃歌。道之興廢皆由命。雖慙如公柰命何。有心哉。擊磬乎。

衛多賢者仕俗官。擊磬如襄理一般。不審乃於聲上取。疑其此意太無端。衛靈公問陳於孔子。

可笑靈公不自量。區區小國事交爭。遽然問陣於夫子。夫子聞之故遂行。子張書諸紳。

子張聞語便書紳。太似胸中未識真。忠信篤欽非外物。當於行處用精神。

顏淵問爲邦。

壯志如何便遽忘。故宜一旦問爲邦。行藏獨與吾夫子。不類當時狷與狂。見不善如探湯。

試問如何是探湯。喻其漸入久無傷。願於不善乃如此。深恐斯人志不剛。陽貨欲見孔子。孔子不見。

公山召子猶將往。陽貨如何却囑亡。料得用心須有異。聖人去就不尋常。

又

公山陽貨本同謀。夫子如何較去留。須信人心有真偽。故將直筆記春秋。唯上智與下愚不移。

性習自然分遠近。智愚安得使無移。困而不學民斯下。愚者要當且力爲。前言戲之耳。

焉用牛刀去割雞。子游初見已無疑。既云學道應須愛。遂謂前言乃戲之。民無信不立。

於兵於食皆云去。當使斯民信獨存。不爾此心先已喪。雖云兵食更休論。盡徹乎。

哀公眞自不尋常。雖是年饑亦較量。二猶不足如何做。紬繹斯言味更長。子路無宿諾。

一諾要之不可輕。古人於事貴能行。若還行得方爲諾。不爾徒言未必誠。必也使無訟乎。

善勝不於常勝得。無方始向有方求。故知欲使人無訟。莫使情於聽處留。富哉言乎。

有類癡人學着棋。諄諄誨爾反狐疑。回頭試問旁觀者。說得元來却甚奇。直在其中矣。

大都禮義本人情。若論人情莫若親。苟使於親無曲折。不知人視作何人。君子和而不同。

謙抑從來不務爭。於人唯恐失其情。若於禮義愈遠處。安得區區學面朋。亦可以爲成人矣。

四者相資體亦成。體成須要得兼明。當知禮樂非文具。乃是其間造化名。如其仁。

仁體從來不可名。方圓隨處便成形。要之自在初非力。以力爲之恐失經。

丘何爲是栖栖者歟。

丘何爲佞乃栖栖。此語深憐及仲尼。猶乃從容言疾固。胸中藹浩不容窺。堯舜其猶病諸。

若於君子能修敬。敬外無緣復有餘。子路不思三致問。病猶堯舜果何如。君子固窮。

於時窮達何須較。在我行藏未易論。子路不知方慍見。更疑力學到師門。非歟。非也。

參聞吾道無心語。只在當時一唯間。多學反嗟疑子貢。望雲猶隔數重關。辭達而已矣。

揚雄苦作艱深語。曹操空嗟幼婦詞。晚悟師言達而已。不須此外更支離。某在斯。某在斯。

豈是區區務相師。尋常一事不容欺。及陪及席方皆坐。猶告之曰某在斯。君子有三戒。

常追往日悔前事。復向如今念後來。幸爾平生無所好。喜於末句絕纖埃。益者三樂。損者三樂。

損益由人好，樂聞須於情實者防閑。雞鳴舜跖能分得，始向師門見一斑。君子有三畏。

要之恐懼常修省，乃是吾心所必然。君子如云止三畏，又何終日却乾乾。問一得三。

竊怪陳亢問伯魚，子今亦有異聞乎。喜云聞一得三理，料得其他未必如。子曰諾，吾將仕矣。

欲逃陽貨遇諸塗，在我之言亦未疎。大抵行藏非汝事，孰云夫子主難疽。予欲無言。

如何夫子欲無言，此理疑其或未然。若看陰陽運行處，方知與物自周旋。商有三仁焉。

既能委曲存商後，又不區區愛此身。以至爲奴作洪範，仲尼稱謂有三仁。柳下惠三黜。

有道不妨三見黜，當時人恨以爲多。從來一向貪憚輩，讀此其如愧恥何。是知津矣。

宣尼頗意在斯人，故爾令由去問津。大是斯人能會意，知津此語亦爲真。